


9

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JUL 29 1946

T2820/0162

欽定廓爾喀紀畧

卷十三
之十四



欽定廣西通志卷十二

十一月二十一日

欽定廣西通志卷十二

欽定廣西通志卷十二

欽定廣西通志卷十二

欽定廣西通志卷十二

欽定廣西通志卷十二

欽定廓爾喀紀畧卷十三

哈佛大學漢和
圖書館珍藏印

十二月二十一日

辛酉

鄂輝奏言竊照藏內銀錢

缺乏先經成德奏明令達賴喇嘛等暫造銀錢

以資現在兵行之用

臣

抵藏後與成德細加商

確並差人持銀赴街市易換每銀一兩實祇換

錢六圓有零較之從前每兩可換錢九圓大相

懸殊遍加訪察實因自上年以來廓爾喀並無

銀錢來藏而買賣人等交易多用銀錢勢不得不換錢使用以致錢價昂貴商上積貯無多卽使全行發出亦不能驟平市價自應照成德所議令其暫鑄銀錢俾資通用惟查從前藏內因何鑄錢賤色高低不一必須確查定議令新錢勝于舊錢方可通行無滯

臣

隨與達賴喇嘛並

濟隴呼圖克圖噶布倫等悉心講究據伊等言

前輩地穆呼圖克圖在日于乾隆二十八年二十九年爲巴勒布來錢稀少不敷民用曾鑄銀

錢兩年至達賴喇嘛亦曾于五十年鑄過一次

皇上將兩次所鑄之錢呈送查驗每圓均重一錢五分達賴喇嘛前鑄之錢較之地穆呼圖克圖所

鑄賤分稍高

臣

隨告知濟隴呼圖克圖以現在

暫鑄錢文爲一時權宜之計現奉

諭旨將來尚須鼓鑄制錢若此時所鑄銀色低潮日
後將銀錢鎔化折耗太重商上必致喫虧况當
此軍興之際

皇上爲保護黃教起見不惜數百萬

帑金派兵剿賊汝等更不可見小貪利鑄出低潮
之錢計圖攙和行使復據濟隴呼圖克圖等稱
銀錢賤色高下不難一目了然斷不敢藉此營

私冀圖獲利隨將新鑄錢樣呈驗前來臣比驗

地穆呼圖克圖所造賤色固高卽比之達賴喇
嘛上次所鑄錢文亦覺較勝隨令其如式多爲
趕鑄庶貿易人等旣無從勒措居奇各官兵先
後到來均得隨時易換價值亦可平減于錢法

備旨軍行實有裨益

同日四川建昌鎮總兵穆克登阿奏言竊臣于

扎什倫布途次接奉

諭旨以成德先已赴藏令臣帶兵隨後併程前進臣

前隨同將軍成德到孟蒲地方成德先行進藏

將官兵交臣帶領在後遄行續至洛宗地方經

成德奏明令臣將所帶之屯練番兵交遊擊張

鎮奎都司張芝林等帶領接續前進令臣先行

馳赴至十月二十六日行到前藏時雅滿泰奉

旨革職成德接奉

諭旨令臣前赴江孜宣示雅滿泰一面即帶領官兵

防守江孜等處臣遵即馳往向雅滿泰傳

旨即將伊革職拔去翎頂又接成德咨令臣到後藏

查辦占卜惑眾之喇嘛等臣隨又赴後藏留心

詢訪將賊匪侵擾扎什倫布時首先起意占卜

惑眾之色籠喇嘛羅布藏丹巴扎蒼喇嘛夏爾

彩積剛阿克巴多索靈共五名查出交都司張芝林妥爲看守解至前藏聽鄂輝成德等遵

旨辦理外臣仍一面帶兵前赴江孜防守均奏入

上命軍機大臣傳諭福康安鄂輝成德穆克登阿曰本日鄂輝穆克登阿六百里報到朕以爲必係馳奏打仗殺賊情形乃摺內所奏俱係覆奏接奉諭旨及辦理鑄錢等事殊屬無謂鄂輝成德抵藏後

已閱多日所有屯練兵丁亦經先後到彼此時急務惟當乘賊匪在邊界逗遛之時率領弁兵直前圍剿於福康安未到之前勉立功績庶可稍贖前愆乃鄂輝于十一月二十四日發摺之期尚在前藏駐劄並未起身所奏俱非要務現在賊匪早已退至邊界前藏僧衆人等均各安居復業卽舒濂尚未到藏該處有達賴喇嘛在彼足資彈壓人心

安靜卽有應辦之事亦並非迫不及待儘可俟舒
濂到後再行辦理鄂輝何必株守前藏稽延多日
坐失事機殊屬非是至穆克登阿前據成德奏于
十月二十六日已令先赴後藏一帶探詢賊情圍
繞邀截並令其譯諭廓爾喀牽制賊匪該總兵自
應迅速趕赴邊界相機辦理乃本日所奏之摺亦
祇係接奉諭旨敷衍覆奏穆克登阿向來遇事尙

能奮勉朕方以其人尚可此次經成德差往剿賊
伊爲總兵大員自應加倍出力立功自効迅速馳
抵邊境躡探賊蹤設法繞截並將差人譯諭後賊
匪是否因此觀望羈留及如何牽制情形隨時速
奏乃行走濡遲並未見其奮勇出力自係心存畏
蕙旣不敢鼓勇直前又恐未經打仗殺賊致干申
飭是以遲延多日始以一奏塞責穆克登阿係總

兵大員本有奏事之責况現在帶兵剿賊更當將
剿辦事宜隨時具奏試思查辦占卜惑衆之濟仲
堪布喇嘛等事有何緊要豈穆克登阿專爲辦理
此等事務前赴邊境耶至成德于十一月十六七
日帶領頭起屯練兵丁自前藏啟程馳赴邊界距
今已閱四旬到彼後如何將賊匪攻圍剿殺情形
亦應迅速馳奏乃相隔多日並未見成德奏到看

來鄂輝成德穆克登阿三人辦理此事一味稽延
遲緩毫無展布實屬無能幸朕早爲籌及特命福
康安前往督辦可以計日抵藏于剿捕機宜得有
把握若專恃伊等在彼辦理彼此遷延觀望豈能
望其集事鄂輝成德穆克登阿俱著嚴行申飭伊
等若再不知愧奮乘賊匪尚在邊境逗遛之時鼓
勇剿殺冀圖將功折罪伊等自問當得何咎耶

二十二日壬戌孫士毅奏言竊臣前奉

諭旨令續調屯練降番二千名赴藏協剿臣已將先

到五百名照料出口其餘一千五百名現已陸

續到境臣按例預備烏拉給發口糧並派曾經

出師得力將弁分起管束隨到隨卽帶領啟行

其末後一起係川北鎮諸神保督同將弁管帶

前進業於十二月初十日全數出口其番練所

需鉛彈火藥及鑼鍋帳房砲位等項均須官爲

撥給臣已先期調貯打箭爐於該番練啟行前

一日分給攜帶臣察看諸神保肯耐勞苦約束

亦頗嚴明此項屯練二千經臣面加獎賞俱極

踴躍鼓舞諸神保統領赴藏可期進剿得力再

臣又欽奉

諭旨以藏內現存糧石已極寬裕卽再添兵二三千

亦儘足資供應着福康安酌量情形如尚須添調

卽就近酌量檄調等因臣現已密飭德爾格及三

雜谷綽斯甲布共挑備三千名聽候檄調其德

爾格土司現出烏拉應僱當差臣譯寫番字傳

諭將來如果調爾土練赴藏卽免其烏拉當差

該土司自必樂從臣現在一面具

奏一面將遵

旨酌備土練等因寄知福康安以憑檄調數日以來

並無福康安由川赴藏之信定已由青海一路

迅速前進臣現飛檄南北兩路將續備夫馬減

撤以節糜費再臣現今德爾格等處預備土練

計各該土司地段可由草地徑自赴藏臣先委

員到彼挑選丁壯俟接准福康安檄調卽將一

切鑼鍋帳房並應行賞給之項於譯諭內開明

欽定四庫全書
卷十三
九
數目委員同領兵將弁攜赴各該處一一分給
卽令從草地及察木等處行走較爲徑捷奏入
上命軍機大臣傳諭福康安海蘭察孫士毅日前據
鄂輝成德奏請再調土兵五千名當經降旨以藏
內現有官兵及原調續調索倫達呼爾兵共有七
千餘名令其再行添調土兵三千名以足一萬之
數仍著福康安通盤籌畫知會孫士毅辦理今孫

士毅尚未接到此旨卽密飭德爾格及三雜谷綽
斯甲布共挑備土兵三千咨會福康安酌量檄調
所奏適與朕旨相符至所稱續調番練二千出口
時俱親身挑驗並因數日以來未接福康安由川
赴藏之信已飛撤南北兩路將續調夫馬減撤以
節糜費等事無不預爲籌及動合機宜覽奏深爲
嘉慰着賞給大小荷包以示優眷福康安自本月

初一日出口後於初九日已行抵貢額爾吉地方
 該處氣候和暖草地未被雪壓足供牧飼得以遄
 行無阻人眾平安共深嘉慶此時惟望福康安早
 抵衛藏查明賊匪確實情形迅速馳奏以慰盼望
 二十三日癸亥勒保奏言臣查青海口外前因冬
 令難行上煩

睿慮令海蘭察等暫住西寧俟至春和再行帶領大

兵前進仰見

聖主軫念軍行格外體恤至意惟查口外草地每年

二三月間冰雪未能盡消青草亦未萌發天時

氣候與冬月無異若巴圖魯侍衛等俟至爾時

帶領大兵一同進發未免人數眾多燒燃難覓

且臣細加探詢前途程站有路甚窄小之處勢

恐一時並集擁擠不前馬匹難以牧放臣愚昧

之見莫若令其隨時進發則各起人數無多馬匹亦少沿途糞草易於料檢卽裹帶之口糧柴薪等項所需駝隻俱可源源轉運不致稍有竭蹶况福康安業經出口旬日計可早抵西藏現在賊匪屯聚定結等處尚未竄回如福康安到彼審度情形遇有可乘之機卽當直前進勦痛加殲戮以示兵威是一切調遣在在需人倘巴

圖魯侍衛等至來年春後始行趕到未免過遲

恐失機會不若令其早抵軍營以供使令較爲

有益且臣處現將馬匹駝隻及應行裹帶等件

俱經預備齊全無虞缺乏茲海蘭察現已將到

西寧其各起巴圖魯侍衛等亦卽接踵而至臣

擬令其隨到隨行毋庸停待卽分起陸續進發

庶起數旣分中途不致擁擠所需一切亦復易

於支應且可速抵軍營以備調遣至臣前交蒙

古辦馬三千匹外又令添辦一千五百匹兼交

阿拉善王辦馬一千匹又令各營預備千餘匹

仰蒙

皇上訓諭申飭實深惶悚查前奉

諭旨派出索倫達呼爾兵一千名臣合以跟役計算

共有一千五百多名照人給二馬之例辦理卽著

青海衆扎薩克供備馬三千匹續經奉

旨以道路遙遠正缺水草之時沿途馬匹不無易於

倒斃每兵着以三馬備用等因是以又令衆扎薩

克添辦一千五百匹彼時臣以扎薩克等雖係

感戴

聖恩誠心勉力但伊等情形究形貧乏游牧處所又

遠近不一今正居嚴冬牲畜疲瘦恐其續辦之

馬一千五百匹或不能一律肥好致有貽誤且

現在帶領索倫兵之領隊大臣烏什哈達岱森

保巴圖魯侍衛索倫章京等俱需挑給馬匹

臣

一時糊塗念及旺親班巴爾遊牧較近令其備

馬一千以爲不時之需實屬多事今蒙

訓誨諄諄臣實悔恨無已謹與奎舒悉心商議除將

前辦之三千馬匹妥協放牧母致疲瘦俟索倫

兵及跟役等一到全行分給外其帶領索倫兵

前來之領隊大臣烏什哈達岱森保巴圖魯侍

衛索倫章京等需用馬匹臣仍由各營挑選現

且留營喂養俟到時照例供給臣當照數另行

買補抵額所有令蒙古等及阿拉善王辦理馬

匹之處謹遵

諭旨卽速停止奏入

上命軍機大臣傳諭勒保奎舒曰福康安此次赴藏
輕騎減從所用馬匹無多其餘預備馬匹與其留
存等候徒費牧飼自不若令海蘭察等到西寧後
卽行接續進發是以前降諭旨令勒保遵照辦理
今該督未經接奉前旨卽籌及福康安抵藏後調
遣需人並以海蘭察現已將到西寧其巴圖魯侍
衛章京等亦接踵而至卽令其隨時進發無庸停

待以期早赴衛藏圍剿邊境逗遛賊匪與朕前降
諭旨適相符合且應行裹帶口糧等項預備齊全
所有索倫達呼爾兵現於本月二十日自京分起
赴藏間二日行走一起到彼後自應卽令隨到隨
行途中旣不致擁擠而馬匹口糧亦足敷應用勒
保辦理此事其初原不免張皇今先事預籌無不
妥協其續調蒙古馬匹亦經遵旨退回一切均合

機宜覽奏實深嘉悅

同日秦承恩奏言竊照廓爾喀侵擾後藏蒙

皇上特派重臣領兵進勦萬里之外一切軍行要務

皆賴

聖明先事籌畫

指示機宜

臣

查陝省西通四川甘肅東接山西河南

爲由京赴藏滙總之路一切文報差使均關繫

要

臣

於接奉

諭旨後卽督率所屬認真辦理務期妥協迅速少舒

聖慈厯注查海蘭察等帶領巴圖魯侍衛等取道西

寧赴藏所需車馬等項經

臣

先期預備一得入

境確信卽日催提到站以資應付茲查海蘭察

台斐英阿阿滿泰等帶領各起巴圖魯侍衛過

陝經布政使和寧照料護送已於十二月初三

初五初八等日全數出境取道西寧進發沿途
行走甚屬安靜又陝西河南山西三省撥協軍
精銀一百三十萬兩爲數較多臣接准部咨卽
飭西安同州等屬預備車輛運送到藏其入棧
後須用騾頭馱運亦經飭令僱備長騾在寶雞
縣等候責成該管道府嚴切稽查茲查陝省餉
銀十萬兩已委派鄠縣知縣李景訢于十一月

初四日解交四川藩庫訖河南省餉銀三十萬
兩分作三起山西省餉銀九十萬兩分作七起

已于十一月十二暨二十九等日全數出寧羗

州境交四川廣元縣接解前進至接遞西南兩
路文報共設正站三十四處腰站三十三處每

站挑選健壯馬匹夫役並移會提鎮派撥千把
等官在站伺候隨到隨送臣與按察使姚學瑛

分路核查並飭將道路橋梁一律修治平坦俾
利馳驟現在各站加緊僱行並無遲悞奏入報

聞

二十五日乙丑鄂輝奏言伏查廓爾喀賊匪侵擾

後藏臣曾會同成德發諭詢問交噶布倫等差

人送至交界地方另派妥人遞去據稱業已送

到至今並未見其稟覆茲節奉

聖明訓示遵將

諭旨內指示情節與成德聯銜用番字譯寫檄文一

道至送去之人若令在藏貿易之巴勒布人前

往則近日藏地一切情形不能保其不透漏消

息惟嚴廷良前次報獲之賊及噶布倫稟稱尚

有先獲未報賊匪臣均已疊次札提即日定可

陸續解到一俟審訊明確擇一無關輕重之人

將檄諭交其送去廓爾喀既可不致生疑而此
 項現獲賊匪甫經解到不能探聽藏地情形自
 無從走漏確信臣仍派明幹員弁押令出境不
 致在途耽悞如果廓爾喀令巴都爾薩野等親
 來籲懇乞降臣一面奏
 聞一面即將來人設法羈留恭候
 諭旨遵辦倘賊目等畏懼不出誠如

聖諭有此檄諭去後賊匪解不設備明春即可出其

不意痛加殲戮大示創懲臣等此時惟有慎密

辦理斷不敢將明春進兵之事稍有洩漏致失

機宜至保泰所奏宗哈教習漢兵陳謨潘占魁

率同第巴薩木珠守禦殺賊一節已咨會成德

會同查明如果屬實即將該兵丁及第巴等遵

旨賞給職銜翎頂並將出力之番子喇嘛及受傷陣

甘賞凶人等查明分別賞卹另行會摺覆奏

臣隨詢

問保泰此事因何遲至兩旬始行具奏宗喀賊匪是否卽係滋擾扎什倫布之賊據稱徐南鵬于九月初九日稟報我于十五日接到因恐殺賊情形未確飭令噶布倫查實稟報嗣據噶布倫于二十七日稟覆以致遲至二十八日具奏

濟隴與聶拉木本係兩路宗喀之賊由濟隴而

來扎什倫布之賊由聶拉木而來並未會合一

路前奏摺內不能聲敘明晰種種遲悞糊塗罪

無可遁等語

臣

查此次賊匪本係分路滋擾並

查徐南鵬稟報月日及保泰接稟覆查日期尚

無虛捏而其遇事疑慮輾轉稽查以致奏報遲

延實難辭咎聶拉木現在尚有賊匪據守成德

帶兵前往勦殺應俟

臣

等收復地方再行派員

駐兵防守

鄂輝又奏言伏查前後藏預備軍食臣到藏後

據噶布倫等回稱已有糶粃七萬餘石經臣奏

明無庸內地轉輸以節糜費並咨明孫士毅查

酌辦理在案茲荷

聖明垂詢飭令與孫士毅彼此會商通盤籌計臣查

附近後藏一帶地方經賊匪蹂躪之後存糧無

多前據仲巴呼圖克圖報有糶粃三萬石至前

藏所屬地廣戶稠前據噶布倫等報有糶粃四

萬一千石當經臣查明並無短缺隨即加以獎

勵並令將遠近地方凡有第巴頭人收存之糧

除各足食用外務須多為採買隨據濟隴呼圖

克圖與噶布倫等回稱

大皇帝為保護黃教不惜數百萬

帑金派兵勦賊藏地僧俗苟有天良斷不肯使官
兵枵腹從事况糧石均蒙發價全藏番衆無不

感戴

天恩現在惟有儘力再為購備以裕軍儲等語臣察

其情狀實屬真誠諒不至徒托空言以致臨時
貽悞况以現在所有糧石而論連西藏糧務倉
內存貯及前後藏所辦糶粃已有七萬四千五

百餘石惟查糶粃例照斤兩支放應照白麵之

例每兵每日給糶粃一斤以一萬兵丁計算每

月應支三十萬斤臣親同鹽茶道林儁秤準每

石糶粃祇有六十三斤十二兩以斤合石每月

所支糶粃須用四千七百石有零以一年而論

止須五萬餘石足敷支食此次派出屯兵二千

二百名臣等及管領屯兵之鎮將備弁各帶綠

營兵丁共有五百餘名又預派換藏官兵一千三百餘名統計不過四千餘名本年十一二月以至明春正二兩月先後支給亦不過支用八千餘石通盤籌算核之現存糧數尚有贏餘且前藏噶布倫等復應承多爲購辦自可無虞缺乏至藏地道里綿長前經奏帶鹽茶道林儁出口令其總理糧餉因恐鞭長莫及曾經咨會孫

士毅自打箭鑪以至裡塘已塘察木多四站責成建昌道徐長發管理自拉里以至前後藏直達軍營責成鹽茶道林儁管理今奉

諭旨飭令_臣等查明程站遠近彼此分管_臣已咨明

孫士毅卽照該道等所管之界分段管理自可不致貽悞至福康安現由西寧一路來藏行走自必迅速查自青海入境多魯巴都爾地方卽

屬西藏所管途長站遠盡屬蠻荒必須大員前
往經理鹽茶道林僑總理糧餉刻下已辦有就
緒現在達賴喇嘛另派明白幹練之大卓尼爾
堪布第巴等三名濟隴呼圖克圖又派扎薩克
喇嘛一名臣卽令該道帶同前往交界地方迎
候並派熟習草地情形之備弁兵丁數名將沿
途應備烏拉牛馬催調齊集附近多魯巴都爾

地方者均令趕赴該處迎候附近哈喇烏蘇者
並令寬爲預備以便將疲乏之烏拉隨時更換
至三十九族應備烏拉及尖宿處所柴草另派
駐藏理藩院員外郎德明親往該處催飭預備
俾資接濟仍俟後起官兵及委員等到藏臣再
當酌派文武數員往迎以供差遣照料惟福康
安到藏後現奉

諭旨令臣留駐藏地與舒濂同辦糧運查兵糧現已

足敷支應所有臺站輓運章程業經預為籌定

臣惟有恭懇

聖恩俟福康安到日隨赴軍前將一切應辦事件及

賊匪道路情形跟同悉心籌辦聽福康安指示

稍効驅策以贖前愆

同日福康安奏言竊臣自西寧起程行次貢額

爾吉地方業將出口行走順適情形奏蒙

聖鑒伏查口外地方山路甚多里數亦俱寫遠每日

寅初起程行至戌刻始行駐牧止餘兩三時牧

放馬匹儘力償行併站前進一日所行道路較

之喇嘛番子人等行走兩日程途尚屬有餘惟

是數站以來所過之亢阿拉山扎蘇拉山及和

約爾達巴罕等處舊存積雪或七八寸至二三

尺不等石徑崎嶇艱於登陟並有大河數道冰
堅雪厚寬逾數里亦屬難行若夏秋盛漲之時
想更難以濟渡邇日以來漸覺水草平常馬匹
稍形瘦乏且沿途毫無樹木全賴在臺站地方
檢尋糞草以供炊爨未免稍有耽延併站僱行
究不能倍加迅速臣五中焦急莫可名言所幸
出口以後仰賴

聖主洪福天氣清明午間氣候尚和自過貢額爾吉

以西早晚稍覺寒冷瘴氣頗甚十三日行抵瑪

沁鄂博地方申酉之間遇雪一次是夜亦即晴

霽並無阻滯茲于十六日已抵瑪楚喀地方現

屆冬令沿途尚無人煙亦無貿易番子來往間

有扎薩克王公台吉等遠來迎候呈送羊隻臣

俱宣諭

聖恩優加賞賚察看該扎薩克等情形極爲感激踴躍均奏入

上命軍機大臣傳諭福康安鄂輝成德日前據鄂輝奏稱成德於十六七日先帶頭起屯練兵馳赴邊界伊亦接續起身前進此次遞到奏摺朕以爲鄂輝必係已抵後藏邊界勦殺逗遛賊匪情形及加披閱惟聞知福康安由西寧一路來藏派令道員

林儁帶同達賴喇嘛所遣之大卓尼爾堪布第巴等前往交界地方迎候並令將備催調沿途烏拉牛馬預備更換等事差強人意其餘俱非目前要事殊屬無謂鄂輝抵藏後距此次發摺之期已閱二十餘日前藏卽有應辦之事亦應早經辦竣况該處有達賴喇嘛在彼是資彈壓尚復有何顧慮而舒濂亦卽日可到自能經理一切乃鄂輝一味

金史卷之十一
株守遲延多日並不速赴後藏坐失事機甚屬非
是成德由前藏帶兵進發後自己抵定結第哩浪
古一帶其如何躡探賊蹤圍繞邀截並譯諭廓爾
喀頭人之處距今已逾四旬亦未據成德奏報伊
二人在彼所辦何事鄂輝成德節次稽延觀望業
經貽悞于前今尚不思奮勉出力稍贖前愆自問
當得何罪著再傳旨嚴行申飭看來此時賊匪尚

在邊界逗遛鄂輝等未免心存怯懦不敢直前圍
勦是以遲之又久尚未前抵邊界而賊匪未見官
兵到彼或因此遷延屯聚亦未可定此時鄂輝成
德自揣不能與賊匪打仗將賊匪痛加殲勦或竟
任其株守邊界使之苟延殘喘坐待大兵到彼將
賊匪誅戮無遺亦一機會本日已刻又到福康安
途次所發奏沿途行走情形各摺據稱出口後天

氣晴朗午間氣候尚和惟貢額爾吉以西瘴氣較甚行抵瑪沁鄂博地方遇雪一次旋即晴霽並無阻滯等語此皆仰賴

上天眷佑叩感增敬之餘倍深欣慰至途次惟貢額爾吉地方稍有瘴氣計今早經平安過去向前行走自當更為順利現距福康安發摺又閱一旬想抵藏之期日近一日朕盼望綦切廛念尤殷也

欽定四庫全書 卷十三

欽定廓爾喀紀畧卷十三

欽定廓爾喀紀畧卷十四

十二月二十六日

丙寅

鄂輝奏言竊

臣

節次欽奉

諭旨廓爾喀賊匪侵擾扎什倫布有濟仲喇嘛四學

堪布喇嘛等在吉祥天母前占卦妄稱不可與

賊打仗惑亂衆心以致僧俗渙散飭令臣等確

切查明將該喇嘛等喚至前藏分別首從正法

解京等因先經成德密飭總兵穆克登阿前往

訪察復經臣札知雅滿泰會同查拏茲據穆克

登阿等查明該喇嘛等實有五人押解前來於

十一月二十七日解到臣即率同鹽茶道林儁

嚴加訊究據羅布藏丹巴供稱該喇嘛廟內原

備言供吉祥天母於賊匪未至之前起意占卜寫作

打仗好不打仗好兩條將糝粃裹和為丸放入

磁碗內求卜占得不打仗好一丸一面稟知仲

巴呼圖克圖一面即令小喇嘛吹伊丹將占卦

緣由告知眾人毋庸打仗眾皆聽信隨將派出

堵禦各喇嘛全行撤散羅布藏策登等四人又

復起意與賊講和復至吉祥天母前占卜占得

講和為好即令諾聶爾前往賊營說和諾聶爾

在途一聞賊至隨即潛逃迨賊匪來至扎什倫

布羅布藏策登等四人亦俱躲匿惟羅布藏丹

巴帶同小喇嘛數人在寺居住被賊人網打搜
索物件及至賊去該喇嘛查點物件見前輩班
禪塔上物件已被起去佛前供器亦已無存等
語_臣復於二十八日會同濟隴呼圖克圖覆加
訊問所供俱各相同據濟隴呼圖克圖回稱此
等惑眾之人應請一併嚴辦_臣隨向告知

大皇帝保護黃教從不肯將喇嘛盡法治罪疊奉

諭旨祇令將爲首之人查出正法其餘解送進京自

應遵

旨辦理隨卽傳集眾噶布倫及各寺大喇嘛等眼同

將羅布藏丹巴剝黃押赴市曹處斬訖_臣隨至

布達拉面見達賴喇嘛班禪將該喇嘛等以占

卜爲詞悖教惑眾不特王法所難宥抑且佛法

所不容本應將五人一併正法今欽遵

諭旨祇令將為首者正法仰見

大皇帝保護黃教之心無微不至達賴喇嘛班禪隨

卽合掌謝

恩口稱

大皇帝為佛門除此悖教之徒護持實為不小臣隨

將疊次奉到

諭旨用唐古忒字敬謹譯出於各寺內給發一張俾

僧俗人等咸喻

聖主查辦緣由共知凜畏臣察看眾心無不感服所

有羅布藏策登等四名應行解京請

旨辦理臣昨接雅滿泰札令仲巴呼圖克圖俟歲琿

堪布一到交代後卽可自後藏起程臣諭知噶

布倫等將羅布藏策登等四人暫行羈禁俟仲

巴呼圖克圖到日卽交與雅滿泰一併押解進

金定鄂爾客巴畧 卷十四 四
京羅布藏丹巴廟內徒弟本未隨同占卜羅卜
藏策登等占卜之時隨往看視者甚多未便再
行紛紛跟究諾聶爾雖奉差遣但未至賊營先
言羅已逃回吹伊丹係羅布藏丹巴令往傳告僧衆
業經罪坐主使之入應請一併免議奏入

上命軍機大臣傳諭福康安鄂輝成德舒濂日鄂輝
奏查明後藏占卜惑衆之喇嘛羅布藏丹巴等分

別辦理一摺羅布藏丹巴等妄托占詞搖惑衆心
衆人一聞不打仗之語卽紛紛渙散不復堵禦羅
布藏策登等四人起意講和卽擅自差人前往賊
營講說可見藏內諸事俱係伊等主持而鄂輝於
辦理羅布藏丹巴一事旣令噶布倫眼看處決又
將羅布藏策登等四人交噶布倫羈禁是鄂輝辦
理藏務無事不商之噶布倫殊屬非是衛藏一切

欽定四庫全書 卷十四 五
事務自康熙雍正年間大率由達賴喇嘛與噶布
倫商同辦理不復關白駐藏大臣相沿已非一日
達賴喇嘛係清修梵行惟知葆真養性離塵出世
之人豈復經理俗務自必委之於噶布倫而噶布
倫等因達賴喇嘛不復措意遂爾從中舞弊諸事
並不令駐藏大臣預聞及滋生事端始行稟白籲
求大臣等爲之經理迨至事過仍復諸事擅行以

至屢次滋釁成何事體卽如上次賊匪滋事一案
係噶布倫索諾木旺扎勒起釁此次又係噶布倫
丹津班珠爾在彼播煽生事此卽噶布倫不可任
用之明驗乃鄂輝現在辦理藏務仍事事令噶布
倫干預積習相沿不可不大爲整頓向來駐藏大
臣往往以在藏駐劄視爲苦差諸事因循惟思年
期屆滿幸免無事卽可更換進京今經此番大加

懲創之後自應另立章程申明約束豈可復循舊
習現在回疆俱有駐劄大臣辦理一切事務俱係
大臣主持該處阿奇木伯克等不過奉令承教隨
同辦理駐藏大臣與新疆辦事大臣體制相同藏
內諸事豈得令噶布倫等專主嗣後駐藏大臣與
達賴喇嘛遇有應辦事件當一一商同辦理噶布
倫等應與在藏章京會辦不得稍有專擅卽達賴

喇嘛係出世之人不復經理俗務或慮駐藏大臣
辦事不免偏私達賴喇嘛原可據實叅奏朕必當
嚴行懲治卽如此次保泰在藏辦事錯謬意欲將
達賴喇嘛班禪額爾德尼移至內地朕卽將保泰
革職責處永遠枷號設駐藏大臣營私舞弊更有
甚於此者卽當按律正法決不稍爲寬貸若達賴
喇嘛慮及叅劾駐藏大臣後其派出審辦之大臣

不免心存袒護或外視唐古忒人等此事之所必
無朕辦理庶務明罰勅法一秉至公遇有審辦事
件其派出大員從不敢徇私偏袒達賴喇嘛更可
毋庸過慮也著福康安於抵藏後將此詳細告知
達賴喇嘛及各呼圖克圖大喇嘛等咸諭此意嗣
後卽遵照辦理以期永綏衛藏

上諭內閣曰前因保泰奏廓爾喀滋擾後藏時扎什

倫布廟內有濟仲喇嘛及四學堪布喇嘛在吉祥

天母像前假托占詞妄稱不可與賊打仗以致喇

嘛衆番等皆無固志相率散去賊匪得乘虛佔據

夫扎什倫布爲歷輩班禪額爾德尼駐錫建塔之

地該喇嘛等不思竭力保護乃竟妄托神言渙散

衆心是扎什倫布並非賊匪所能攻陷竟係該喇

嘛等委之於賊此等喇嘛自叛其教爲王法所難

宿卽爲佛法所不容節經降旨令鄂輝等查明爲
首之喇嘛明指其罪卽行剝黃正法其隨同占卜
之喇嘛亦應查明解京茲據鄂輝奏查明該喇嘛
等占卜者共有五人內羅布藏丹巴一名訊取確
供實係起意占卜妄言惑衆之人於審明後傳集
衆噶布倫及各寺大喇嘛等眼同將羅布藏丹巴
剝黃處決其羅布藏策登等四名遵旨解京而達

賴喇嘛班禪額爾德尼及濟隴呼圖克圖等皆感
激凜畏等語朕於黃教素雖愛護但必奉教守法
之喇嘛等方加以恩遇若爲教中敗類罪在不赦
者卽當明正典刑斷不稍爲袒護設如元季之供
養喇嘛一意崇奉漫無區別致有詈罵者割舌毆
打者截手之事令喇嘛等無所忌憚尚復成何政
體此次辦理占卜惑衆之羅布藏丹巴一事卽於

衛護黃教之中示以彰明憲典之意著將辦理緣

由通諭知之奉命調劑等語其意雖尚寬厚而

該大臣等謹案衛藏服屬延有言議者請旨

告天朝則五典所淵不離念脈藉姑收元季之

特命大臣往駐其地綜理主持與回疆之辦事大臣

體制相仿其藏內噶布倫等祇宜奉法承令

豈容稍有專擅乃沿習日久噶布倫因達賴

聖鑒效喇嘛委其任事或遂妄行自用不令駐藏大

臣預聞以致構煽邊界滋生釁端其風漸不

與可長無異或謂察等以無賴習氣而

皇上明切訓示諭令申嚴約束毋得再事因循所以

緩輯藏地振起積習者實可

垂謨久遠至羅布藏丹巴倡言惑眾棄扎什倫布而

不守自叛其教罪無可逃卽顯正刑誅以昭

皇上於保護之中仍寓杜漸防微之意以視元代糝

政何止判如穹壤乎

皇上同日勒保奏言竊臣前因青海道路二三月間

與冬令無異海蘭察等似無庸暫駐西寧等候

應卽隨到隨行經臣奏陳臣主邊撤其風濶不

聖鑒茲海蘭察于十五日午後行抵西寧臣與海蘭

察再三商酌海蘭察亦以福康安已經出口此

路儘可行走伊等自應陸續進發毋須停待臣

等計議已定其後二起之巴圖魯侍衛等亦于

十六十八兩日到來臣隨將應行裹帶之口糧

鍋帳柴薪料豆等項趕緊分配酌用駝隻運送

其各起所需馬匹臣俱于挑就營馬內照依各

人品級按律分給惟念口外站遠道長正值草

枯之際長行馬匹不免疲乏必須多帶餘馬以
資更替且^臣處所備營馬現有數餘隨於各人
應得分例之外又復給與二百餘匹三起連例
馬在內共用營馬一千匹點交海蘭察等騎帶
前往不特長途替換可節馬力將來行抵軍營
並可多得戰馬於事實有裨益至各起行走仍
按照自京起身章程海蘭察等作爲第一起台

斐英阿等作爲第二起阿滿泰等作爲第三起

擬於十九二十二二十一等日起程出口^臣仍酌

派熟悉路徑之人作爲嚮導取道前進並據青
海扎薩克貝子羅布藏色布騰公達瑪林台吉
達什車木博爾告稱我等深受

大皇帝高厚天恩毫無報効今叅贊帶同巴圖魯侍
衛等從此出口進兵我等在青海地方情願隨

同照料并可將新設臺站順道巡查不致貽悞

大皇等語臣察看情詞甚為至誠踴躍當即允其所

請并諭以爾等如此爭先趨事實為可嘉自當

遇便奏京見于錄亦類也微公數語林台吉

聞上邀恩悉亂野之人亦為書寫如前前前

恩賞該扎薩克等俱各歡忻感激旬日以來西寧口

外天氣極為晴和並遣人探知福康安行程安

適一路並無阻滯此皆仰賴

聖主洪福感名

天庥之所致臣實不勝欽感至索倫達呼爾兵丁此

時尚無出京信息約計頭起到西寧時當在正

月下旬臣已諭令青海各扎薩克等將所辦馬

匹在於各旗牧放俟至臨期再為傳調自可不

致有悞奏入

上諭內閣曰勒保奏青海扎薩克貝子羅布藏色布騰等感激朕恩以大兵進剿廓爾喀情願隨同照料親往新設臺站巡查實爲出力奮勉殊屬可嘉著加恩將扎薩克貝子羅布藏色布騰賞貝勒銜公達瑪林賞貝子銜頭等台吉達什車木博爾賞公銜以示朕眷卹嘉獎之意

二十七日

丁卯

成德奏言竊

臣

前帶領頭起屯練

並添湊藏內之兵一千餘名由曲水一帶前進茲於十一月二十五日行至江孜適總兵穆克登阿自後藏前來面稟查得後藏一帶僧俗人等俱各漸次復業至扎什倫布房屋並未損壞惟前輩班禪大塔三座內新塔一座將外面溜金銅皮起下又中塔一座背面銅皮起下一段俱擲于地下此兩塔之上鑲嵌珊瑚松石等物

俱被挖去及金銀供器一併掠取所有挖下鑲
嵌松石珊瑚等物裝貯一匣賊臨行遺失未經
拏去現經仲巴呼圖克圖收存再查賊匪未至
之先衆喇嘛俱已逃散寺中只存喇嘛九人看
守廟宇內有二名已出痘身故其七人中卽有
占卜之羅布藏丹巴在內隨詢之該喇嘛等稱
賊匪來時將伊九人綑縛拷打詢問存貯金銀

幣帛所在伊等俱稱不知賊卽自行搜取又聞
賊去之後間有物件遺失在廟外街市僧俗人
等有檢拾者均仍送至寺中不敢隱匿至賊匪
情形查定結之賊聞知大兵已到于十一月初
一日夜間奔出逃竄經該處漢番官兵追殺已
經遁回惟濟隴聶拉木絨轄尚有賊匪佔據等
語伏查扎什倫布爲班禪額爾德尼住錫之地

該處僧俗人等無不尊崇敬奉且於賊匪未至
之先該寺喇嘛已先行逃散僅存看守廟宇九
人又被賊匪細縛拷詢該喇嘛等猶堅稱不知
其遺失在途之物仍有送赴寺內者揆其情節
似無乘機攘竊之人再由賊巢送出之扎薩克
喇嘛來至江孜臣與總兵穆克登阿面加詰訊
據稱伊到廓爾喀地方被巴都爾薩野羈住將

及三月始經紅帽喇嘛帶見拉特納巴都爾及

巴都爾薩野向說我們係蒙

大皇帝賞給名號大喇嘛即噶布倫等亦係賞爵之

人你們把我們留住三月之久駐藏大人奏明

大皇帝必發大兵前來問罪那時悔之無及彼時巴

都爾薩野云你們西藏人原仗的是

天朝我們也是投順

天朝的你還係藏內可信的喇嘛就先出去見達賴喇嘛商量這一回的事情要說得永遠相安彼大皇此不許返悔隨將該扎薩克喇嘛及第巴博董送出并云寄信與領兵頭人將兵撤回該扎薩大皇克喇嘛係由聶拉木出來第巴博董係由濟隴出來等語臣查賊匪滋擾藏地不過覬覦後藏豐富計圖搶掠一聞大兵將到卽行奔竄今雖

將扎薩克喇嘛第巴博董送出而第巴博董詢係因病尚住宗喀未來且噶布倫丹津班珠爾等仍羈留在巢尚敢以寄信撤兵說合講息爲詞明係預存乞哀求降地步查目下定結賊匪雖已逃竄而濟隴聶拉木絨轄邊界尚有賊匪佔據臣細加籌酌前被賊匪誘去之丹津班珠爾及教習兵丁等尚在賊巢今只將扎薩克喇

嘛及第巴博董送出其意仍欲冀其講說完事
正宜趁此機會將計就計譯諭佯許代爲清理
事務並諭須將丹津班珠爾等及早送出以便
辦理臣仍隨時偵探道路情形前赴邊界處所
先將濟隴聶拉木絨轄等處設法收復仍將通
連賊境道路逐細訪查並俟總兵張芝元所帶
後起屯練到來通盤籌計妥爲部署待至明歲

春融大兵齊集不難一舉蕪事奏入

上命軍機大臣傳諭福康安鄂輝成德曰前據鄂輝

奏成德於十一月十六日等日帶領頭起屯練兵

丁由前藏起程馳赴邊界相機進剿逗遛賊匪本

日遞到成德六百里奏報朕以伊係帶兵前往自

必馳奏打仗殺賊情形乃披閱奏摺成德甫經行

抵江孜所奏查看扎什倫布房屋物件等項俱係

細事並非目前急務成德自抵前藏後距此次發
摺之期已及四旬所有屯練兵丁早經先後到彼
成德既聞賊匪尚在濟隴聶拉木絨轄等處屯聚
自當速催兵丁前抵該處跟蹤追剿痛加殲戮庶
可稍贖前愆乃行走遲緩始抵江孜地方而摺內
猶覘顏稱務將邊界收復尤爲可鄙試思賊匪在
邊界逗遛爲日已久若成德早抵該處直前痛剿

自己將屯聚賊匪殲戮無遺何至任其尚在濟隴
聶拉木絨轄等處肆行佔據看來成德竟係畏懼
賊匪不敢前進是以行走稽遲尙未前抵後藏而
鄂輝又株守前藏並未起程二人種種怯懦無能
遲延貽誤鄂輝成德俱著再傳旨嚴行申飭並交
福康安到彼查其逗遛寔情叅奏前屢降諭旨以
賊匪尙在邊界逗遛坐待誅戮節次諭令伊二人

乘此機會速赴該處奮力追勦以期立功自贖今
鄂輝成德一味因循玩悞心在畏葸是伊二人竟
無福分已難望其振作計此旨到日福康安及海
蘭察巴圖魯侍衛章京等業經先後抵藏前次續
調屯練番兵已可先到索倫達呼爾兵亦接續而
至福康安等統領官兵攻圍統截自必將逗遛賊
匪悉數殲擒直抵賊巢一舉集事鄂輝成德惟當以

副都統職銜隨同帶兵人等聽候福康安調度差
遣看其如何奮勉出力將功折罪再行核辦耳

二十八日戊辰惠齡奏言竊臣於十二月十三日

行抵川省劔州途次接准福康安咨會擇于十
二月初一日自西寧出口伏思福康安既由草
地行走臣亦應趕往西寧一路進藏隨同商辦
軍務但福康安先臣出京二十餘日臣現已入

川勢難趕上恐往返紆迴致稽時日當卽星馳
前進于十六日馳抵成都省城時署督_臣孫士
毅尙在打箭爐料理二起屯練番兵出口聞俱
次第進發極爲妥速_臣接見司道等細詢軍裝
火藥及備用餉銀曾否運往據稱均經陸續趕
運出口但自爐入藏計程九十餘站口外各臺
除文報之外並未設有官馬一切騎馱皆資烏

拉運送兼之牛隻十居八九且由此至彼或十
站八站更番接替方能轉回接應後起現在打
箭爐口外一帶山高雪大運送恐難儻程業經
委員出口往來查催等語查軍裝餉銀等項所
關最爲緊要必須趕緊運往不致有悞軍需雖
口外冰雪較大究係入藏熟路且_臣自西寧抵
川十餘日來天氣晴暖沿途並未遇有風雪詢

之士人僉稱寔爲近來罕有之事此皆仰賴

聖主洪福感召

天和來春大舉定能迅速蕝事奏入報

聞

二十九日_已勒保奏言現據各扎薩克辦就馬

三千匹各在本旗喂養一俟官兵有到境信息
即可傳調應用計官兵行抵西寧當在正月下

旬通計兵丁跟役在內約有一千五百名每人

需馬二匹所辦蒙古馬三千匹足敷騎用其帶

兵大臣官員等所需馬匹_臣現有挑就營馬可

以騎帶前進此外尙有各扎薩克等備馬一千

匹分爲二撥在于納木喀多倫巴圖爾二處以備

中途接濟是所備馬匹業已寬然有餘毋虞缺

乏至口外軍臺先經_臣派令寧夏府知府隆興

等前往預爲安設茲據稟報業經設有二十餘
臺俱係按照從前安臺舊址設立其蒙古兵丁
亦俱全行到站約數日內即可將青海界內臺
站安設齊全等語其西藏所轄地方臣早經飛
咨鄂輝等趕緊查辦文報往來自可不致阻隔
至海蘭察等每起行走連跟役在內不過百人
通共亦祇三百餘人臣共給與營馬一千匹

不特沿途可資替換且到軍營亦可多得戰馬
以之帶兵剿賊更爲得力奏入報

聞

皇恩同日勒保奎舒奏言臣等前奉

諭旨令將此次預備駝馬及巡察臺站出力之各蒙

古扎薩克以上王台吉等查明具奏分晰獎賞

仰見

聖主撫恤懷柔無微不至伏查此次口外辦理設立

驛站駝馬等事蒙古王公等除索諾木多爾吉

爾日外尚有濟克墨特伊什等十五人感戴

皇恩俱各奮勉_臣等留心察看謹將伊等出力之處

分別為一二等開單進

呈恭候

欽定奏入

上命內閣曰據勒保將預條駝馬巡察驛站之出力

衆王公扎薩克等查明分別等第具奏青海王公

扎薩克等俱知感激朕恩此次軍行支辦駝馬均

能妥協又請前赴驛站巡查寔為奮勉可嘉著加

恩將列為一等之貝勒濟克墨特伊什特里布巴

勒珠爾貝子徹勒登多爾吉齊摩特達巴扎薩克

察幹諾們罕每人各賞大八絲緞二疋五絲緞二

正其列爲二等之王那汗達爾吉貝子羅布藏色

布騰公巴登端多布喇特那錫第達瑪林扎薩克

散都布甲木叅嘎勒丹丹鍾吹忠扎布達什春丕

勒班第每人各賞大八絲緞一疋五絲緞一疋以

示獎勵

宋王公其勤克善查開台以等策具奏青穉王公

欽定廓爾喀紀畧卷十四

定其制爲一等之至孤汗達爾吉其子羅布色

布騰公回登端多布喇特那錫第瑪林扎薩克

散都布甲木參囉勒丹丹靈呼思其亦定什在王

勒班第福人各賞大八經一疋五經一疋以

示獎勵

欽定大清會典事例卷十四

